

INUIT ATAQATIGIIT

Inatsisartuni



UPA 2017/165
Nuuk, 29.05.2017
Iddimanggiu Bianco

Kalaallit Nunaanni inatsisinik atuutsitsinermit tunngasut Danmarkimisut pitsaasuseqalernissaat qulakkeerniarlugu qanoq siuarsarneqarnissaannut apeqquteqaat aallaavigalugu oqalinnissamut siunnersuut.

(Inatsisartunut ilaasortaq Debora Kleist, Inuit Ataqatigiit)

Siullermik Debora Kleist oqallisissiaq aallaavigalugu siunnersuutaanut Inuit Ataqatigiinniit qujavugut. Pingaaruteqarluinnarpoq nunatsinni tamannarpiaq eqqartornissaanut.

Inatsisitigut atuutsitsiniarnermi nunatsinni atugassat imaannaangittut ilisimavarput. Danskillu akisussaaffik tigumminerani pisariaqarluinnarpoq qanimut suleqatigiinnissaq. Uagummi nalunngilagut sordiaat unamminartuusut aqqitassaallutillu.

Erseqqinnerusumik nunatsinniit piumasaqaateqarsinnaaneq anguniagassaavoq. Taamaattumik Inuit Ataqatigiit folketingimi suliat pingaaruteqarluinnartutut isigivagut suliasat tigussaasut. Piumasaqaatit tigussaasut.

Makkuuppullu siunissami aqqitassat pingaaruteqarluinnartut.

- Illersuisut sulinerminni atugaasa pitsanngorsarneqarnissaannut misissuisoqassaaq siunnersuutinillu tunniussisoqarluni. Nuna tamakkerlugu illersuisuuneqarfik ukioq ataaseq ingerlareerpat naliliiffiqeqassaaq.
- Eqqartuussisut ilisimatusarfimmi inatsisilerituutut ilinniagaqarnissaminnut periarfissineqassapput.
- Eqqartuussisut sulinerminni siunnersorneqarnikkut fagligemillu ikorfartorneqarnikkut nukittorsaaavigineqassapput.
- Kalaallit Nunaanni Eqqartuussivinni Nunattalu eqqartuussisuuneqarfiani inatsisitigut naammattunik piginnaasaqarnissaq qulakkeerneqassaaq, taamaasillunilu suliat suliarineqartarnerat sivikillilluni.
- Unnerluussisussaataasut nukittorsarneqarnissaannut pisariaqartitsineq naliliiffiqeqartariaqarpoq, taakkununga eqqartuussivinni unnerluussisusut najuuttartut ilanngullugit.
- Inissisarfinni paarsisut illinniartinneqarnerat nukittorsarneqassaaq, Naalagaaffeqatigiinermilu politii nut inissisarfinnilu paarsisunut akissaatit naligiissartariaqarput.
- Illoqarfiit nunaqarfiillu tamakkerlutik politii nutigut sinniisuutitaqassapput.
- Politiinut Pinerluttunillu Isumaginnittoqarfimmut illutatigut naleqquttunik atugassiinissamut aningaasat qulakkeerneqassapput.
- Tigusanut illutaliisoqassaaq.
- Nunaqarfinni tigusaqarsinnaanermut periarfissiisunik isumaqatigiissusiortoqassaaq.
- Eqqartuussisoqarfimmut IT-tigut systeminik naleqquttunik qulakkeerrinnittoqassaaq.
- Paasiuminartumik tamaniillu atorneqarsinnaasumik eqqartuussutinut database-liortoqassaaq.
- Nunatsinni inatsisinut atuuttunut tamanut kalaallisut danskisullu paasissutissiivimmik piler-sitsisoqassaaq.
- Folketingimi Inatsisartunilu inatsisitigut allannguuteqartillugu tamakkua nalunaarusiorfigineqartassapput.
- Digitaliusumik atsiorsinnaanermut periarfissiisoqassaaq.
- Kunngikkormiut peqqussutaannut taarsiullugu Folketingimi inatsisiliortoqassaaq, soorlu aamma inatsisit nutaanngilisut nutarterneqassasut.
- Ilisimannittut takkutinnngitsoornerini kingunerititassatut periarfissat atorneqassapput.

- Erngertumik pineqaatissinneqarsinnaaneq atorneqarnerusariaqarpoq.
- Inuiaqatigiinni kiffartuussineq siuarsarneqassaaq.
- Aaqqiagiinnginnermi aaqqiinissamut siunnersuisarneq atorneqartariaqarpoq, nammineq kajumissutsimik aallaaveqartumik.
- Saqitsaannermik suliassatigut inatsisitigut isumaqatigiissitsiniartarneq eqqunneqartariaqarpoq.
- Fodlænkeqarneq pineqaatissiissutigineqarsinnaasutut atorneqassaaq.
- Pineqaatissiissutinut sinaakktissat inuiaqatigiinni oqallisigineqassapput politikikkikku aalajangersarneqarlutik.
- Taarsiissutinut periarfissat ersarissarneqassapput, suliareqqitassanngortitsinnermi ilalerneqarsimaneq ilanngullugu.
- Inuiaqatigiit suliassaqrifiillu qanoq aqqissuussaananut tunngatillugu Kalaallit Nunaanni innuttaasut ilisimasaat qaffassarneqassapput.
- Pinerluutinut eqqartuussinnermi eqqorneqartunik tapersersuisarnissaq Kalaallit Nunaanni suliniaqatigiiffiit naalakkersuisutigoortuunngitsut, NGO-t, suleqatigalugit ujartorneqartariaqarput.
- Tigummisaanermiit misiliutitut iperarneqarneq pitsaaneruseqarpoq piarsarneqarlunilu nukittorsarneqartariaqarpoq.
- Tigummisat iperagaaneranni mentoreqartitsinikkut misilittaaneq pilersinneqartariaqarpoq.
- Isertitsivimmiittunut katsorsarneqarnissamik susassaqtartitaanissamillu neqeroorutit nukittorsarneqartariaqarput.
- Inuit atugaasigut pinerlunnaveersaartitsinikkukku iliuutsit nukittorsarneqassapput.

Tamakku anguniakkat anguniarnerini pisariaqarluinnartut ilagaat susassaqtartut qanimut aamma suleqatiginissai. Tamannalu Naalakkersuisunut innersuutigaarput.

Taamatut oqaaseqarluta qutsavigeqqissavarput siunnersuuteqartoq Debora Kleist Inuit Ata-qatigiinniit.

Qujanaq